



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 45. S. Sixti obitus. S. Leo Papa.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

§. XLV.

Sæculum V.
A. C. 440.*S. Sixti obitus. S. Leo Papa.*

Julianus Eclanensis, inter Pelagianos notissimus, cum se de Sede sua dejectum impatientissime ferret, nullum non lapidem movebat, ut ad Communionem Ecclesiæ denuo admitteretur; conversum se simulabat, idque variis artibus S. Sixto Papæ persuadere conabatur. At Papa, S. Leonis Archidiaconi sui, consiliis utens, versipellem sôlerter rejecit, quod omnibus Catholicis magnam lætitiæ causam præbuit. Haud diu postea S. Sixtus ad æterna abiit, quinto Kalendas Aprilis, Valentiniano quinto, & Anatolio Consulibus, nempe 28. Martii, anno 440. cum annos propemodum octo in Pontificatu exegisset. Celebravit ordinationes Romæ, Mensis Decembri, quibus Presbyteros viginti octo, Diaconos duodecim, & in diversis locis quinquaginta duos Episcopos ordinavit.

*Prosp. Chro.
an. 439.**Lup. n. 15.
Lib. Pontif.*

Basilicam Sanctæ Mariæ ab antiquis Liberii dictam, restauravit, & Altare argenteum, trecentarum librarum pondus habent, obtulit; intelligo mensam sacram. Plura alia vasa argentea dedit, mille centum sexaginta quinque librarum. Unum vos aureum librarum quinquaginta, rursus viginti quatuor candelabra ex cupro, quindecim librarum singula. Eidem Ecclesiæ

Y 3

clesiæ

Sæculum V. clesiae prædia, domosque donavit, quæ
A.C. 440. per annum septingentos viginti novem
 asses aureos redderent. Baptisterio Sanctæ
 Mariæ omnia vasa necessaria ex argento præstitit, & inter alia affundendæ aquæ
 Cervum, triginta librarum. Ad Confessionem (nempe Monumentum S. Petri) ornamenta ex argento apposuit, librarum quadringentas habentia. Confessionem S. Laurentii quoque columnis ex Porphyrite, & argenteis ornavit; præterea S. Laurentio obtulit altare librarum quinquaginta, cancellos trecentarum librarum, & supra hos Absidem, seu fornicium turrim, cui S. Laurentii statua insisteret, ducentarum librarum. Totam hujus Sancti Basilicam construxit; vasorum argenteorum magnum numerum, & unum vas aureum, unionibus decem librarum ornatum, donavit. Omnes divitiæ, quas S. Sixtus Papa in has duas Ecclesias contulit, quarum pondus exprimitur, duo millia, sexcentas uncias, si libris Romanis conferantur, conficiunt, & plusquam tribus selibrarum millibus æquivalent.

Imperator quoque Valentinianus, a Papa monitus, supra Confessionem S. Petri Simulacrum aureum, duodecim portas, duodecim Apostolos, & Salvatorem referens, totum gemmis ingentis pretii ornatum obtulit. In Basilica Lateranensi Imperator frontale argenteum, quingentarum

tarum, & undecim librarum, loco illius, ^{Sæculum V.}
 quod Barbari diripuerant, posuit. ^{A. C. 440.} Mo-
 numentum S. Pauli auro purissimo ducen-
 tarum librarum condecoravit. S. Sixtus
 Papa etiam Baptistarium Lateranense Co-
 lumnis Porphyreticis ornavit, quas ibi
 præter Epistylum ex marmore posuit,
 insculptis versibus, qui Baptismi virtu-
 tem, & fidem Catholicam de peccato
 originali adversus Pelagianos exprime-
 bant. S. Sixtus prope corpus S. Laurentii ^{Ap. Bar.}
 in via Tiburtina sepultus est. ^{an. 440.}

S. Leo, Ecclesiæ Romanæ Archidiacono ^{S. Leo.}
 in S. Sixti Successorem electus est.
 Absens erat, quippe eum in Galliam mi-
 serant, ut Aetio, & Albino, qui Exerciti-
 bus Romanorum summa potestate præe-
 rant, reconciliandis adlaboraret. Publi-
 ca ad eum decreta legatio. Dumque ^{Lib. Pontif.}
 ejus adventus expectatur, mirum, quod
 Ecclesiæ Romanæ, Pastore destitutæ, pax,
 & quies nullatenus turbata fuerit. Leo
 originem trahebat ex Tuscia, Quintia-
 ni filius, & verosimiliter Romæ natus;
 hanc enim urbem semper Patriam suam
 dixit. Is ipse fuisse creditur, qui adhuc ^{Sup. XXIII}
 dum Acolythus, in Africam anno 418. ^{§. 50.}
 missus, ad Episcopum Aurelium S. Sixti,
 tunc Presbyteri, & postmodum Pontificis,
 epistolam detulit; certe inter Sixti fami-
 liares semper fuit. Cum esset Diaconus,
 S. Coelestinus Papa ejus opera utilissime

Sæculum V. usus est. Ipse quoque est, qui Cassianum
 A. C. 440. ut adversus Nestorium scriberet, impulit

§. XLVI.

*Joannis obitus. Domnus Episcopus
 Antiochenus.*

Chronol. Ni-
ceph. Sup.
l. XXIV. §.
54. Vita S.
Euthy. ana-
lecta. Græc.
p. 31. p. 41.

Eodem anno 440. ad Patres suos colle-
 ctus est Joannes Episcopus Antioche-
 nus, postquam hanc Sedem per anno-
 rum decem, & octo tenuisset. Successorem
 habuit Domnum, ex sorore nepotem
 Monachus fuerat sub Sancto Euthymio
 Magistro; Juvenalis, Episcopus Jerosoly-
 mitanus, Diaconum creavit anno 428
 cum Laura dedicaretur. Soluta Con-
 cilio Ephesino, cum comperisset, Joannem
 avunculum suum, Nestorii partes sectari,
 vehementer indoluit, rogabatque S. Eu-
 thymium, ut permetteret, se Antiochiam
 ire, ubi eum ad meliora revocaret. Re-
 spondit S. Euthymius: *ne eas, fili mi! non
 erit tibi utile; quamvis enim impii Joannem
 ad breve tempus ad se pertraxerint, Deus,
 cui cordis ejus sinceritas nota, non permit-
 tet, ut in exitium ruat. Tu vero, si in
 loco ad quem vocatus fuisti, permanseris,
 & repellas cogitationes, quibus ad fugien-
 dum desertum alliceris, proficies, & se-
 cundum Deum honoraberis; si me non au-
 dis, succedes in Episcopatu avunculo tuo,
 sed eodem ab impiis privaberis, postquam*